

schin negro, stato vicepodestà et capitano a Crema, in loco dil qual è andà sier Antonio Badoer, per danari; et re'erite iusta il solito. Qual è stato prima podestà di Bergamo.

Da poi disnar, fo Gran Conseio; non vene il Serenissimo.

Fu posto, per li Consieri, che sier Bernardo Zogogna, fo eleto per deposito.

182* Fu fatto capitano a Verona sier Lunardo Justinian, è al luogo di Procurator, qu. sier Lorenzo, qual *etiam* cazete dil Conseio di X, di 10 balote, di sier Piero Trun fo Cao di X. *Item*, tre sora le Vituarie. Io non fui tolto per eletion.

A dì 27, la matina. Li Consieri veneno a Rialto a incantar do galle di Barbaria, le qual non trovon alcuna patroni, sichè per questo anno non anderano al viazo.

Di Bruzele, di sier Nicolò Tiepolo el dottor, orator, di Scrive come Lubech si è fata lutheriana, qual è terra francha grossa, e quelli soi dil Conseio, zerca 40, andono a una chiesa cathedral.

Da poi disnar, fo Conseio di X con Zonta.

Di Roma, fo lettere, di l'orator Surian, de Come il papa à fato 2 cardinali a requisition di l'imperator, e publicyadi, *videlicet* l'arzivescovo di Tolosa e l'arzivescovo di Sibila.

A dì 28, da poi disnar. Fo Pregadi. Fu posto, per li , una parte zercha la eletion di Savii ai Ordeni, *de coetero*, et che li presenti havesseno il beneficio. La copia sarà qui avanti scritta. Andò la parte:

Fu posto, per li Savii, balotar li retori di Dalmatia, e chi haverà più balote vadi a meter li confini col nontio, manderà il Signor turco, et habbi per spexe ducati al mexe. Et presa, balotadi li rectori, rimase sier Vincenzo Zantani, capitano a Zara, qu. sier Zuanne.

Fu posto, per li Savii tutti, che li ufficiali electi in Barbaria li sia resalvò il viazo, et in questo *interim* possino esser ballotadi in Collegio. Et ave: 156, 17, 6.

Fu posto, per li Savii, elezer per scurtinio in questo Conseio do zentilomeni nostri, uno vadi di là da Menzo, di Verona in là, l'altro di quà, con cavali , a scuoder cadaun debitor di la Signoria nostra, vadi a sue spexe, habbi di quello scoderano 10 per 100 di la pena di debitori et 10 per 100 da la Signoria nostra, *ut in parte*. Fu presa. Ave: 132, 43, 6.

Fu eleto uno sora la Mercadantia, in luogo di sier Lunardo Justinian è intrà al luogo di Procurator, per poter expedir il signor Camilo Orsini con sier Vettor Soranzo: rimase sier Giacomo Moro, è di Pregadi, qu. sier Antonio.

Scurtinio di un Provedador sora la merchadantia.

Sier Jacomo Michiel, è di Pregadi, qu.
sier Hironimo 112. 52
Sier Lunardo Justinian, è di la Zonta,
qu. sier Unfrè 72. 87
Sier Marco Antonio Corner, fo di la
Zonta, qu. sier Polo 107. 60
† Sier Jacomo Moro, è di Pregadi, qu.
sier Antonio. 114. 57

Fu posto, per li Savii, che a uno Zuan Panza da Brandizo, qual per esser stà marchesco fu privà di la facultà, li sia dà taxe 6 al mexe, a lire 4 per cavallo, acciò el possi viver. Ave: 159, 4, 7.

Fu posto, per tutto il Collegio, atento fusse concesso exemption a li homeni dil comun di Castegnaro, Carpi et Barichela per anni 3, sia perlongà per altri anni 3, atento li danni patidi. Ave: 183, 1, 3.

Fu posto, per li Savii del Conseio e Terraferma, che li Savii ai Ordeni presenti e futuri possino venir in Pregadi, poi harano compido l'oficio, fin San Michiel, e *de coetero* si elezi 3 et 2 a la volta et, per questi primi, li do haverano mancho balote siano per mexi tre. Et non fu presa. Ave: 4 non sincere, 94 di no, 70 di la parte.

Nota. In la parte di far li do Provedadori, vadinno a scuoder, è che la Signoria resta aver da ducati 80 in 100 milia per subsidii et imprestidi, l'uno vadi a Padoa, Vicenza, Treviso, Udene e Ruigo, l'altro Verona, Brexa, Bergamo e Crema.

Fu posto, per tutto il Collegio: Hessendo venuto mandato da la Porta al sanzacho di Bosina di cavalchar a meter li confini, sia preso che siano ballotadi sier Alvise Bon, va conte a Zara, sier Vincenzo Zantani, capitano a Zara, sier Bernardo Balbi, conte e capitano a Sibinico, sier Alvise Calbo, conte a Traù, e chi haverà più balote, pasando la mità, vadi a poner li diti confini con cavali 15 et il secretario et il suo servitor, habbi per spexe ducati 5 al zorno, et porti presenti per ducati 1000 con lui, intendando, essendo eleto il Balbi o Calbo, il provedador di stralioti intri al governo di quella